

## آبونه شرائطی

ممالک عثمانیه ده سنه لکی (۶۵)، الق  
ایتم (۳۰۱) غروشدور .

ممالک اجنبیه ده سنه لکی (۱۷)، الق  
ایلمی (۹) فرانقدر .

## اداره خانه

باب عالی جاده سنده دائره مخصوصه

## اضطارات

آبونه بدلی پشندر .

§

مسلكه موافق آثار مع الممتونیه قبول  
اولنور . درج ابدلین یازیلر اعاده  
اولونماز .

# ایضطارات

۱۳۳۰

## اضطارات

رساله مزودن آلمدیغی کوسترک شرطیه  
بتون یازیلر هر هانکی برهزته طرفندن  
اقتباس اولونه بیلیر .

§

مکتوبلرک، امضالرک واضح و اوقوناقلی  
اولمسی و آبونه صره نومروس محتوی  
بولونمسی لازمدر .

§

ممالک اجنبیه ایچون آبونه اولانلرک  
آدرس لریشک فرانسزجه ده یازلمسی دجا  
اولنور .

§

پاره کوندرلدیکی، ان نه یه دتر اولدیغنک  
واضعا بیلدیلمسی دجا اولنور .

مغرب ، مراکش ، طنجه طرفلرندن کن حجاج کرام ، بوسنه فریضه حج ایفاسی ایچون بورالره کلش اولان سابق امیرلری مولای الحفیظک شدتلی علمینده بولنیور و « بايع المسلمين » لقبیه تحقیرایدیورلر .. عجا حقیقه مسئله بویله میدر ، فاسلی حجاج کرام بو خصوصده آلدانمه یورلرمی ؟

## مَطْبُوعَات

### عالم اسلامی تهديد ايدن مر ضرلدن: قار

مصرده چيقان « الشعب » جريدة محترمه سی صره سیله برقاچ نومروسنک باش مقاله لرینی، کیزلیدن کیزلی به عالم اسلامی تهديد ایتکده اولان « قار » ک نفسه، روحه ، اخلاقه اولان تأثیرات وخیمه سی تشریح حصر ایتشدرد .

بومقاله لرده ابتدا قارک ماهیتی ، غایتی ، احوال عمومیه سی حفته ایضاحاتده بونیلدیور . صوکر او وجوده ، اعصابه ، دماغه ، بناء علیه اخلاقه اولان تأثیرات مضره سی حفته فکرلر یورودیلدیور . نهایت قارک حیاته اک بویوک رول ایفا ایدن قوه عقلیه نک پیرانه سنه و کیت کیده بوسوتون بوزوله سنه سبیت و پردیکی نتیجه سنه دوغرو کیدیلدیور ، بو خصوصده کی بوتون ایضاحلر پک وضوحلیدر .

فی الحقیقه قار ، بلا استثنا بالعموم انسانلر آراسنده تعمیم ایتش روحی برخسته لقدر . هر قوم و عنصرک ، هر ملتک بو خسته لقلری کندی استعداد و ذهنیتلرینه کوره مختلف او یونلر شکلنده تجلی ایتشدرد . اسلامیتده ایسه بونلرک هر هانکی نوعی اولورسه اولسون نصوص قطعیه ایله تحریم ایدیلشدرد ، کندیسنده کیزلی و آشکار معنای قار بولونان هر او یون اسلامیتده قطعاً ممنوعدر . فقط بوتون بونکله برابر اهل اسلام آره سنده کی تعمیم وانتشاری ده هان هیچ بر ملتک کنندن اکسیک دکدر . شهر لیلر مزدن ، قصبه لیلر مزدن باشلا یه رق کویلیلر مزه ، حتی دها کوچه لکنی ترک ایدمه یین قارده شلریمزه وارنجیه قدر هپسنده بو خسته لق واردرد . سادات و شرفای کرام حضور کعبه ده بویوک بابالری و پیغمبر جلیلمزک نزد روحانیتلر نده ، تر به لرده ، حرم شریف جوار نده ؛ بکلامز ، پاشالریمز ملتک سعادتی مقابلنده قوردقلری آشیانه استراحتلر نده ؛ کویلولر مز قولبه لر نده ، متعفن قهوه خانه لر نده ؛ کوچه لر مزده چادیرلر نده ، سالاشر نده یان کلهرک بو خسته لق آلتنده قیورانیور ، هر کونک ساعتلرجه زمانی ، اللهک بخش واحسان بویوردینی عقللری بو او یونلرک بی سود نتیجه لری اوغورنده فدا ایدیورلر . بر مسلمان قلبی ، حتی علی العاده بر انسان قلبی طاشیان حمیتلی بر کیمسه نک بوتون بونلره آجیامسی الدن کلز . هله بزم کبی ، حیات ، معیشت ، فعالیت ، وظیفه نه دیمک اولدینی کلاشیله میان ؛ عمرک ، زمانک قدر و قیمتی تقدیر اولنه میان ملتلر آراسنده بو کبی نفسی ، روحی خسته لقلرک نه قادار الیم نتایج اخلاقیه واجتماعیه تولید ایده چکنی دوشونهرک متالم اولماق قابل دکدر . حضرت الله همزه توفیق و هدایب احسان بویورسون !

شاگردانه ، سبیل الرشاد کبی مسلمانلرک موجب افتخاری اولان یکانه رساله دینیته نک برسنه نک ابونه سی ، هدیه ایتسی بزى فوق العاده متأثر ایتشدرد . اشبو تحفه مقدسه دن صوگ درجه ممنون اولان افغانلی طلبه لرک تشکرات منتدارانه لریته جریده معتبره کز واسطه سیله ناظم بک افندی به بیان بیورلمسی تمی ایده رز .

هدیه قیمتدارک عثمانلی و افغانلیلر اره سنده موجود مودت و ارتباط برادرانه نک تزید و تقویه سنه بادی اولسی ده آریجه موجب شکراندر . باقی ، احترامات فائقه مزک قبولی مسترحمدر افندم .

مدیر و سر محرر

۱۹۷۱ ذی الحجه سنه ۱۳۳۱

محمود طرزی

## حجاج کرام

مکه مکرمه دن بیورنده چيقان « الاقبال » رفیق مزه یازیلدیور :

« بوسنه دکز طریقیه کلهرک جده دن کن حجاج کرامک عددی ۹۶ بیکه بالغ اولشدرد . بونلردن ۳۵ بیکی جاوه طرفلرندن اولوب قالانلری ده سائر ممالک اسلامیه اهالیسنندرد . حجاز دیر یولی واسطه سیله کلنلرک عددی ده ۴۰ بیک قدر تخمین اولنمقده در . ۲۰ بیک قدری اهل یمن ، ۴۵ بیکی ده جزیره العربک شرق وسائر قبائل منسوبینندن اولق اوزره قره طریقیه دوغرو دن دوغرو یه مکه مکرمه یه کلش اولانلرک مقداری ۶۵ بیک راده سنه چیقمشدر . مکه مکرمه ، مدینه منوره جده جوار نندن بوسنه نک حج شریفنه اشتراک ایدنلرک عددی ۱۰۰ بیکن زباده اولدینی ظن ایدیلکده در . شو حاله کوره بوسنه عرفات و ققه سنده حاضر اولان حجاج کرامک عددی اوچ یوز بیکی متجاوز اولدینی آکلاشیلدیور دیمکدر .

« مبارک ذی الحجه نک غره سی جمعه کونندن ثابت اولوب عرفات و ققه سی جمعه ایرته سی اجرا ایدیلدی . مکه مکرمه یه ایام تشریقک اوچونجی ، دردنجی کونلری اینیلدی . صحت عمومیه یی اخلاص ایدمه چک هیچ بر حادته وقوعه کلدی . حمدالله حج شریف کمال عافیتله اجرا ایدیلدی .

« امنیت عمومیه یی بوزاجق حادثه لرده اولدی ، دنیله بیلیر . بو خصوصده مکه امیرینک ابراز ایتدیکی غیرت هر حاله تجلیه شایاندر . هله جلد ، قطع ید ، قصاص کبی حدود شرعیته نک اجراسی خصوصنده کی تعمیم اورتالقده عمیق بر تأثیر حصوله کتیردی . عرفات ، منا وسائر یرلرده مناسبستزلکی کوریلن ، خیرسزلنی دو یولان ، حجاج کرامه ضرری دو قونان بدویلر اوزرنده بوشرعی جزالر بالفعل اجراه ایدیلدی . یوم تشریقک ایکنجی کونی ، بریمی « شباین » ، دیکری « عتیبه » قبائلندن « همارقه » قولنه منسوب سوابق مکرره اصحابندن ایکی کیمسه نک خیرسزلق ایتدکلری عادل شاهدلرک شهادتیه و کندیلرینک اعترافلریله مرتبه ثبوته واصل اولدیغندن با امر امارتیناهی اللری قطع ایدیلشدرد . بوجز انک دها دورت کیمسه اوزرنده اجرا ایدیه چکی روایت اولنیور .